

萬有文庫

第二集七百七種

王雲五主編

廣雅疏證

附博雅音

(三)

張揖撰

王念孫疏證

商務印書館發行



廣雅疏證

附博雅音

(三)

張揖撰

王念孫疏證

國學基本叢書

廣雅疏證卷四上

魏清河張揖撰

高郵王念孫疏證

釋詁

廢捨弛縱寘奠肆捨蕩逸放恣發鉉署置也

廢者爾雅廢舍也郭璞注云舍放置也宣八年公羊傳注云廢置也方言發舍車也發與廢聲近而義同肆者堯典眚災肆赦春秋莊二十二年肆大眚皆謂放赦罪人與置同意故說文云赦置也捨與赦聲義亦同故爾雅云赦舍也舍與捨通蕩逸放恣竝同義論語微子篇隱居放言包咸注云放置也發者曹憲云即古文置鉉者韓詩外傳於此有絺綌五兩敢置之水浦列女傳作願注之水旁是注爲置也注與鉉通莊子達生篇以瓦注者巧淮南子說林訓作鉉是其證也署者說文署部署也謂部分而署置之也楚辭遠遊篇云選署衆神以載竝

幹擣運遄遄道譴喘移斂挽轉也

幹者楚辭天問篇幹維焉繫漢書賈誼傳幹棄周鼎王逸如宿注竝云幹轉也天問幹字一作筦匡謬正俗云幹聲類及字林竝音管擣者玉篇擣轉篴也遄之言纏繞也楚辭離騷遄吾道夫崑崙兮注云楚人名轉曰遄九章云欲儵徊以干僚兮儵與遄通遄道者方言道道轉也郭璞注道音換亦音管道猶幹也淮南子時則訓員而不坑高誘注云坑轉也坑與道通譴喘者方言譴喘轉也注云譴喘猶宛轉也譴各本訛作譴今訂正斂易通作

畱於專職端緒紬業也

畱者爾雅田一歲曰畱郭璞注云今江東呼初耕地反草爲畱釋文畱本或作畱鄭衆注考工記輪人云泰山平原所樹立物爲畱漢書溝洫志隤林竹兮捷石畱顏師古注云石畱謂畱石立之然後以土就填塞之也是凡言畱者皆始立基業之意畱之言哉也爾雅哉基始也卷一云業始也此云畱業也義竝相通於者方言於

業也郭璞注云謂基業也專職皆主其事之名故爲業也魯語云恃二先君之所職業端緒者爾雅業緒也注云謂端緒紬者史記歷書紬績日分索隱云紬音宙又如字紬績者女工紬緝之意言造歷算運者若女工緝而織之是紬爲業也

交贅疑戾撰質撫莫係隱據刊定也

疑者皋陶謨庶績其凝馬融注云凝定也戾者爾雅戾定止也康誥未戾厥心大雅桑柔篇民之未戾襄二十九年左傳乃猶可以戾傳注竝云戾定也質者爾雅質成也鄭注小司徒云成猶定也是質與定同義大雅抑篇云質爾人民曲禮云疑事毋質皆是也洪範惟天陰騭下民史記宋世家騭作定孔穎達正義云騭卽質也無者說文撫安也安亦定也莫者爾雅貉莫安定也郭璞注云皆靜定大雅皇矣篇求民之莫板篇民之莫矣毛傳竝云莫定也莫莫貉竝通字又作貉說見卷一莫安也下係者小雅楚茨傳云係安也隱據者方言隱據定也隱又音於靳反說文雪所依據也讀與隱同檀弓其高可隱也鄭注云隱據也孟子公孫丑篇隱几而臥

皆安定之意也僖五年左傳神必據我杜預注云據猶安也釋名云據居也居亦定也刊者削而定之今人言刊定是也

飢餒餒也

餒者說文餒飢也

𦵏痢痢調爽瘕壯創痒傷也

𦵏與殘通痢音力達反方言凡飲藥傳藥而毒南楚之外謂之痢痢痛也郭璞注云謂辛螫也方言又云刺痛也左思魏都賦云蔡莽螫刺昆蟲毒啞是刺為傷也刺與痢通今俗語猶謂刀傷曰刺矣痢者銳傷也說文以爲籀文銳字廣韻又此芮切云小割也皆傷之意也調者說文調半傷也昭八年左傳云民力彫盡彫與調通爽者逸周書謚法解云爽傷也老子云五味令人口爽淮南子精神訓云五味亂口使口爽傷張衡南都賦云其甘不爽醉而不醒瘕者序卦傳云夷者傷也夷與瘕通瘕各本訛作瘕今訂正爽創壯聲竝相近故壯亦為

投教石搥搥也

傷方言凡草木刺人者北燕朝鮮之間謂之壯注云今淮南人亦呼壯壯傷也馬融虞翻注易大壯竝云壯傷也淮南子俶真訓形苑而神壯高誘注與馬虞同創者刃傷也說文刃傷也或作創月令云命理瞻傷察創是也其創瘍之創亦同義釋名釋疾病篇云創戕也戕毀體使傷也曲禮云頭有創則沐是也痒者周禮瘍醫注云瘍創癰也曲禮釋文云瘍本或作痒是痒為傷也小雅正月篇瘋憂以痒毛傳云痒病也病亦傷也

教者說文教擊也又云桷擊也殺椎擊物也鄭注周官壺涿氏云涿擊之也案涿謂投擊之也其職云掌除水蟲以焚石投之是也教桷涿竝通石者新書連語篇云提石之者猶未肯止是石為搥也搥音都回反法言問道篇搥提仁義音義云搥擲也邨風北門篇王事敦我鄭箋云敦猶投擲也敦與搥同擲與搥同釋言篇云確拓確也確搥拓石礎搥聲義竝相近

黔首氓民也

黔首者說文秦謂民爲黔首謂黑色也周謂之黎民史記秦始皇帝紀更名民曰黔首案祭義云明命鬼神以爲黔首則鄭注黔首謂民也魏策云撫社稷安黔首呂氏春秋大樂篇云和遠近說黔首韓非子忠孝篇云古者黔首悅密憇愚諸書皆在六國未滅之前蓋舊有此稱而至於秦遂以爲定名非始皇創爲之也堯典云黎民於變時雍則黎民之稱又不自周始矣

詼嘲諛話誠誕莫周調也

詼嘲誠爲調戲之調諛話誕爲調欺之調周爲調和之調詼者說文悝嘲也悝與詼同漢書枚皋傳詼笑類俳倡李奇注云詼嘲也文選東賦悝繆公於宮室李善注云悝猶嘲也嘲者文選任昉出郡傳舍哭范僕射詩注引倉頡篇云嘲調也漢書東方朔傳云詼嘲而已揚雄傳解嘲文選作嘲嘲嘲並通嘲與調聲亦相近也諛者相欺調也卷二云調欺也釋言云調諛也說文諛誕也謂相欺誕也義竝相通話者衆經音義卷十七引聲類云話訛言也小雅沔水箋云訛僞也哀二十四年左傳是僞言也服虔注云僞僞不信言也話僞竝音戶

縊經鬪絞也

快反其義同也誠者釋言云誠警也警與敖通爾雅諛浪笑敖戲謔也郭璞注云謂調戲也史記天官書箕爲敖客曰口舌索隱宋均云敖調弄也箕以簸揚調弄爲象凝者衆經音義卷十二引倉頡篇云凝欺也又引通俗文云大調曰凝周者淮南子原道訓貴其周於數而合於時也高誘注云周調也周調聲亦相近

縊經者說文縊經也絞縊也昭元年左傳縊而弑之杜預注云縊絞也晉語申生雉經於新城之廟韋昭注云雉經頭搶而縣外也釋名云縣繩曰縊縊阨也阨其頸也屈頸閉氣曰雉經如雉之爲也鬪者說文鬪經繆殺也又云繆縛殺也玉篇繆音力周居由二切絞也漢書外戚傳卽自繆外鄭氏注云繆自縊也鬪繆繆竝通喪服傳塲之經不繆巫鄭注云不絞其帶之巫者義與鬪亦相近

新繇黻繇繇黏也

糅

新者說文新黏土也徐鍇傳云今人謂水中泥黏者爲新新堇竝音居隱反其義同也內則塗之以謹塗鄭注

云雅琴者琴之言禁也雅之言正也君子守正以自禁也說文敘持也讀若琴揜急持衣衿也李鼎祚周易集解引白虎通義云禽者何鳥獸之總名明爲人所禽制也是凡與琴同聲者皆有禁義也敵者說文敵禁也爾雅禦圉禁也敵禦圉竝通亦通作御焮者玉篇音巨今竹甚二切制也廣韻云禁也焮與琴同聲焮各本訛作焮集韻焮都感反引廣雅焮禁也今據以訂正

襍疊襍襍程輦結詘也

襍疊襍襍程輦結者王篇引楚辭哀時命衣攝襍以儲與今今本襍作葉王逸注云攝葉儲與不舒展貌攝音之涉反與襍通說文詘詘也一日屈襍又云襍輦衣也徐鍇傳云輦猶卷也襍摺疊衣也故禮注謂裙摺爲襍積也漢書揚雄傳注云襍疊衣也司馬相如子虛賦云襍積褰縐紆徐委曲襍字亦作辟士喪禮記裳不辟鄭注云不辟積也大射儀注云爲冪蓋卷辟綴於篠橫之莊子田子方篇口辟焉而不能言司馬彪注云辟卷不開也皆詰屈之意也屈與詘通跋者足屈而不伸故亦謂之蹇吳志孫峻傳注引吳書云畱贊與吳桓戰一足

被創遂屈不伸曰我屈甕在閭巷之閒存亡無以異是也衆經音義卷十四引埤倉云襴輦衣也又引通俗文云縵縫曰襴廣韻摺摺疊也士昏禮記執皮攝之鄭注云攝猶辟也襴攝摺竝通今俗語猶云摺衣或云疊衣矣呂氏春秋下賢篇卑爲布衣而不瘁攝高誘注云攝猶屈也凡物申則長屈則短故屈謂之攝辟短亦謂之攝辟素問調經論篇云虛者聶辟氣不足是也甲乙經作攝辟輦之言卷曲結之言詰屈也卷一云輦結屈曲也引之云爾雅革中絕謂之辨郭璞注云中斷皮也革中辨謂之輦注云復半分也案革中辨之辨當爲辟字形相近又蒙上文辨字而誤也據儀禮莊子子虛賦說文廣雅諸書則凡卷者謂之辟故革中辟謂之輦若辨乃中分之名與輦屈之義殊無涉也說文革中辨謂之輦辨字恐是後人以誤本爾雅改之

複袷增紆積壘襲成仍鄭

衡重也

袷者急就篇襦袷袷袷袷顏師古注云衣裳施裏曰袷增者說文層重屋也玉篇音自登子登二切周頌維天之命篇曾孫篤之鄭箋云曾猶重也老子云九層之臺起於累土楚辭天問篇云增城九重增層竝通

縹者說文地重次第物也漢書武帝紀注云今俗謂凡物一重爲一地左思魏都賦兼重性以地縹李善注云言既重其性而又累其縹也性與紕通地地竝與縹通襲者哀十年左傳卜不襲吉杜預注云襲重也金滕作冒吉坎彖傳云習坎重險也習與襲通成亦襲也故爾雅云山三襲陟再成英一成坏周官司儀爲壇三成鄭衆注云三成三重也引爾雅邱一成爲敦邱再成爲陶邱三成爲昆侖邱南山經成山四方而三壇郭璞注云形如人築壇相累也成亦重耳士喪禮下篇俎二以成鄭注云成猶併也併與重義亦相近仍者晉語晉仍無道韋昭注云仍重也鄭者漢書王莽傳非皇天所以鄭重降符命之意顏師古注云鄭重猶言煩煩亦重複之意也復亦複也說文復重也復曹憲音復各本脫去復字其音內復字又誤入正文集韻引廣雅復重也今據以訂正

明曙昕昞較發卓離天晬炤耀罔烜晝光顯耿晃憚皎彰
毗曉睭悞視晰昱曠昭晤昀旭徵煒闐陽杲粲炷堂彰著

明也 爽

明者說文朙月未盛之明也朙與明同召誥惟丙午朙
傳云朙明也月三日明生之名漢書律厯志引古文月
采篇云三日曰朙淮南子天文訓日登于扶桑爰始將
行是謂朙明高誘注云朙明將明也楚辭九思時朙朙
今且旦注云日始出光明未盛爲朙聲義竝同也曙者
說文曙旦明也文選魏都賦注引說文作曙管子形勢
篇云曙戒勿怠曙之言明著也昭十一年左傳朝有著
定杜預注云著定朝內列位常處謂之表著魯語云署
位之表也曙署著三字聲相近皆明著之意也昕者說
文昕旦明也日將出也士昏禮記云必用昏昕昕之言
所所也漢書揚雄傳垂景炎之所所顏師古注云所所
光盛貌說文昕讀若希齊風東方未晞毛傳云晞明之
始升也晞與昕聲近而義同昞者文選兩都賦序注引
倉頡篇云昞著明也革象傳云其文昞也昞與昞同較
之言皎皎也史記伯夷傳云此其尤大彰明較著者也
發者齊風載驅篇齊子發夕韓詩云發旦也楚辭招魂
娛酒不廢沈日夜些王逸注云不廢或曰不發發旦也
引小雅小宛篇明發不寐旦亦明也商頌長發篇元王

桓撥韓詩撥作發云發明也下文云明發也是發與明同義卓與下倬字通卓之言灼灼也說文倬著大也大雅棫櫟篇云倬彼雲漢爲章于天韓奕篇有倬其道韓詩作倬法言吾子篇云多見則守之以卓卓倬倬竝通離者說卦傳云離也者明也萬物皆相見南方之卦也聖人南面而聽天下嚮明而治蓋取諸此也炎之言炎也說文引小雅節南山篇憂心忡忡今本作憂心如惓韓詩作如炎說文炎火光上也方言忡忡明也憂心如火之炎故與明同義凡詩言憂心烈烈憂心奕奕憂心惓惓耿耿不寐如有隱憂之類皆其義也說文覲察視也讀若鎌覲與天亦聲近義同炤與照同罔者說文罔意闢麗度開明也象形文選江淹雜體詩住引倉頡篇云罔大明也罔之言宣明也衛風淇澳篇赫兮咺兮毛傳云咺威儀宣著也韓詩作宣云宣顯也大學作咺爾雅作罔竝字異而義同畫者晉象傳云明出地上晉雜卦傳云晉畫也是畫爲明也耿者王逸注離騷云耿明也立政云以覲文王之耿光晃之言煌煌也釋言云晃暉也說文曉明也釋名云光晃也晃晃然也晃與曉同小雅皇皇者華傳云皇皇猶煌煌也釋文煌又音晃秦策云炫燿於道漢書揚雄傳云北嶺幽都竝字異而義

同憚讀爲闡衆經音義卷二十三引廣雅正作闡繫辭
傳而微顯闡幽韓伯注云闡明也呂氏春秋決勝篇云
隱則勝闡矣微則勝顯矣公羊氏春秋哀八年齊人取
謹及憚左氏穀梁氏竝作闡是闡與憚通咬者王風大
車篇云有如皦日陳風月出篇云月出皎兮皎皎皦皦
通彰者鄭風女曰雞鳴篇云明星有爛爛與彰通皦曉
者方言皦曉明也暉之言奕奕也方言暉明也譯見也
小爾雅敦明也洪範曰圉史記宋世家圉作弟集解引
鄭氏書注云圉者色澤而光明也齊風載驅篇齊子豈
弟鄭箋云此豈弟猶言發夕也豈讀當爲闡弟古文尙
書以弟爲圉圉明也爾雅愷悌發也發亦明也司馬相
如封禪文昆蟲闡暉亦是發明之意猶言蟄蟲昭蘇耳
王延壽魯靈光殿賦赫煒煒而燭坤李善注云煒煒光
明貌何晏景福殿賦云鎬鎬鑠鑠赫奕章灼集韻引字
林云煒火光也是凡與暉同聲者皆光明之意也暉各
本訛作暉今訂正悞者衆經音義卷十二引倉頡篇云
悞明也漢書王莽傳云憤眊不惻說文厂明也厂渫竝
與悞通晰之言明哲也說文昭晰明也洪範明作哲大
傳及漢書五行志竝作哲小雅小旻篇作哲大有象傳
明辨哲也鄭本作遼云讀如明星哲哲祭法瘞埋於泰

折鄭注云折炤哲也張衡思元賦雖司命其不瞞竝字
異而義同昱之言燿燿也釋訓云昱昱明也說文昱日
明也太元元告篇云日以昱乎晝月以昱乎夜淮南子
本經訓云焜昱鎔眩照燿輝煌說文煜燿也義與昱同
曠者說文曠明也鄒陽獄中上梁王書云獨觀於昭曠
之道莊子天地篇云上神乘光與形滅亡此之謂照曠
照曠與昭曠同晤之言寤也說文晤欲明也引邶風柏
舟篇晤辟有標今本作寤關雎傳云寤覺也寤與晤通
昀之言灼灼也說文昀明也中庸云小人之道昀然而
日亡的與昀同旭之言皓皓也說文旭旦旦出兒讀若
好一日明也邶風匏有苦葉篇旭日始旦毛傳云旭日
始出謂大昕之時周頌載見篇休有烈光鄭箋云休者
休然盛壯休與旭亦聲近義同徵之言證明也各本訛
作徵考諸書無訓徵爲明者廣韻集韻竝云徵明也中
庸杞不足徵也昭三十九年左傳且徵過也鄭杜注竝云
徵明也今據以訂正焞者說文焞明也引鄭語焞燿天
地今本作焞假借字也楚辭九歌暎將出兮東方注云
謂日始出其容暎暎而盛大也義亦與燿同揚雄羽獵
賦光純天地純與焞亦聲近義同閬之言開明也說文
閬開也爾雅愷悌發也舍人李巡孫炎郭璞皆訓愷爲